



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

CONVOCATORIA DE SUBVENCIÓN MUNICIPAL DIRIXIDA ÁS ENTIDADES SOCIAIS PARA O ANO 2026 DO CONCELLO DE BETANZOS.

BASES REGULADORAS DE SUBVENCIÓNS DIRIXIDAS ÁS ENTIDADES SOCIAIS EXERCICIO 2026

Dentro do labor de fomento e apoio ás iniciativas das entidades sen ánimo de lucro que ten atribuído o Concello de Betanzos, convócanse as presentes axudas na área de Servizos Sociais, para o exercicio 2026.

1.- FINALIDADE E OBXECTO.

O Concello de Betanzos pretende, pola presente convocatoria, dar apoio ás asociacións e entidades sen ánimo de lucro, que poidan ser consideradas de interese social para o Concello de Betanzos, de cara a fomentar a actividade no eido dos Servizos Sociais, contribuíndo así á consecución de actuacións que de xeito prioritario se dirixan á poboación máis desfavorecida.

Constitúe o obxecto destas bases a regulación das axudas que o Concello de Betanzos lle outorgará, mediante concorrência competitiva, polo procedemento previsto no artigo 19.2 da Lei 9/2007, do 13 de xuño, de subvencións de Galicia.

Destinaranse 22.000,00 euros ás subvencións para actividades sociais con cargo á aplicación orzamentaria 231/489.00

O período para realizar actividades subvencionables é do 1 de xaneiro de 2026 ao 1 de novembro de 2026.

2.- RÉXIME XURÍDICO.

- Lei 7/1985, do 2 de abril, reguladora das bases de réxime local.
- Lei 5/1997, do 22 de xullo de administración local de Galicia.
- Real D.L. 2/2004, do 5 de marzo, polo que se aproba o texto refundido da lei reguladora das facendas locais.



Concello de Betanzos

Praza de Galicia, nº 1, 15300 Betanzos, A Coruña

Teléfono: 981 770 011

betanzos.net

<https://sede.betanzos.es>

correo@betanzos.net

- Lei 38/2003, do 17 de novembro, xeral de subvencións e Real decreto 887/2006, do 21 de xullo, polo que se aproba o seu regulamento.
- Lei 9/2007, do 13 de xuño, de subvencións de Galicia e o Decreto 11/2009, do 8 de xaneiro, polo que se aproba o seu regulamento.-
- Bases de execución do orzamento para o ano 2024.
- Ordenanza xeral de subvencións do Concello de Betanzos, publicada no BOP número 22 de 2 de febreiro de 2022.
- Ordenanza para o impulso da lingua galega do Concello de Betanzos aprobada no BOP número 240 de 21 de decembro de 2016.

3.- ENTIDADES BENEFICIARIAS.

Poderán optar aos programas contidos na presente convocatoria as entidades que cumpran os seguintes requisitos:

- Estar legalmente constituídas e coa documentación actualizada.
- Carecer de fins de lucro.
- Desenvolver as súas actividades no ámbito territorial do Concello de Betanzos ou sobre temas de interese para o Concello.
- Non ter pendente de xustificar ningunha subvención concedida, na convocatoria anterior, polo Concello de Betanzos, salvo que se lle concedese excepcionalmente prórroga ou ben tivese desistido, ou xustificado a non presentación, se o proceso está rematado.
- Non estar incurso en ningunha das circunstancias previstas no artigo 13 da Lei 38/2003, Xeral de subvencións nin dos supostos de incapacidade ou incompatibilidade para a percepción de axudas ou subvencións públicas.
- Estar ao día nas súas obrigas tributarias coa Axencia Tributaria Estatal e Autonómica, coa Seguridade Social e co Concello, e nas súas obrigas legais co persoal que preste servizos para as entidades solicitantes.
- Estar inscrita no rexistro de asociacións do Concello de Betanzos con data anterior ao inicio do prazo de presentación das solicitudes.
- Levar un mínimo de dous anos de implantación no municipio de Betanzos desenvolvendo actividades similares á presentada.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

4.- CONDICIÓN E OBRIGAS.

- A concesión das subvencións realizarase en réxime de concorrência competitiva.
- As entidades beneficiarias das subvencións quedan obrigadas a facer constar a colaboración e patrocinio prestado polo Concello de Betanzos en toda a información (impresa, informática e audiovisual) que se faga das actividades subvencionadas e na súa páxina web.
- Con carácter xeral a subvención solicitada nunca superará o 80% do orzamento de gastos presentado.
- Cumprir o obxectivo, executar o proxecto, realizar a actividade ou adoptar o comportamento que fundamenta a concesión da axuda de acordo coa memoria presentada.
- Xustificar ante o órgano concedente ou Entidade colaboradora, no seu caso, o cumprimento dos requisitos e condicións, así como a realización da actividade e o cumprimento da finalidade que determinen a concesión ou goce da subvención.
- Someterse ás actuacións de comprobación, a efectuar polo órgano concedente ou a Entidade colaboradora, no seu caso, así como calquera outras de comprobación e control financeiro que poidan realizar os órganos de control competentes, tanto nacionais como comunitarios, achegando tanta información lle sexa requirida no exercicio das actuacións anteriores.
- Comunicar ao órgano concedente ou á Entidade colaboradora a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan axiña como se coñeza e, en todo caso, con anterioridade á xustificación da aplicación dada aos fondos percibidos.
- Acreditar, con anterioridade a ditarse a proposta de resolución de concesión, que se atopa ao corrente no cumprimento das súas obrigas tributarias e fronte á Seguridade Social, en todo caso, poderase acreditar ao Concello a obter devanditos datos.
- Dar a axeitada publicidade de carácter público do financiamento de programas, actividades, investimentos ou actuacións de calquera tipo que sexan obxecto de subvención, nos termos regulamentariamente establecidos. Facer constar, naquelas actividades subvencionadas que así o permitan, que as mesmas contan con subvención do Concello de Betanzos, coa expresión “colabora o Concello de Betanzos” ou de maneira visible o escudo e lenda “Concello de Betanzos”.
- Dispor dos libros contables, rexistros dilixenciados e demais documentos debidamente auditados, nos termos esixidos pola Lexislación mercantil e sectorial, aplicable ao beneficiario en



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

cada caso, así como cantos estados contables e rexistros específicos sexan esixidos polas bases reguladoras das subvencións, coa finalidade de garantir o axeitado exercicio das facultades de comprobación e control.

- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
- Xustificar o gasto realizado de acordo co previsto nas presentes bases.
- Se se estivese en curso dalgunha das causas de reintegro, deberase proceder ao reintegro da contía recibida.
- É de obrigado cumprimento que os proxectos polos que se solicita a subvención se desenvolvan en galego e atendendo a unha linguaxe inclusiva.

5.- PRAZO E PRESENTACIÓN DE SOLICITUDES. DOCUMENTACIÓN.

As solicitudes, formularanse no modelo que figura como anexo desta convocatoria e presentaranse unicamente por medios electrónicos a través do formulario de solicitude normalizado da sede electrónica municipal. (sede.betanzos.gal).

Os anexos necesarios para completar a solicitude desta axuda estarán dispoñibles para descarga na páxina web municipal (sede.betanzos.gal), xunto co resto de información relacionada coa convocatoria.

O texto da convocatoria e a información requirida será incluída de maneira previa na Base de Datos Nacional de Subvenciones. A BDNS dará traslado ao BOP de A Coruña o extracto de la convocatoria para su publicación.

O prazo de presentación de solicitudes comezará ao día seguinte á publicación do extracto da convocatoria no Boletín Oficial da Provincia e terá unha duración máxima de quince días hábiles.

Cando o órgano instructor reciba algunha solicitude incompleta, requirirá as entidades solicitantes dando un prazo de 10 días hábiles que contará dende o día seguinte ao da notificación do requirimento (artigo 68 da Lei 39/2015, de 1 de outubro, do procedemento administrativo común



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

das administracións públicas). Se a entidade requirida non respondese ao requirimento de emenda, entenderase que desiste da súa solicitude.

Achegarase á solicitude a seguinte documentación

5.1.- Documentación xeral da entidade a efectos da solicitude.

- Presentación do modelo normalizado que será asinado pola persoa que ostente a presidencia ou por quen teña conferida a delegación, que debe incluír os puntos seguintes:
- Fotocopia da tarxeta do CIF da entidade e do NIF do representante.
- Certificado expedido polo Secretario/a da Asociación, acreditativo do acordo adoptado polo órgano de Goberno, polo cal se decide solicitar a subvención.
- Declaración de que é unha entidade sen ánimo de lucro.
- Certificados de estar ao corrente das súas obrigas coa Administración do Estado, coa Comunidade Autónoma, coa Seguridade Social e co Concello ou autorización para obter a información, e nas súas obrigas legais co persoal que preste servizos para as entidades solicitantes, o cal non terá ningunha clase de vínculo nin relación laboral co Concello de Betanzos. Ou declaración de que non está obrigada a presentar declaracións ou documentos a que se refire o artigo 22 do Regulamento da Lei Xeral de Subvencións respecto das obrigas Tributarias e coa Seguridade Social.
- Declaración formal das subvencións, axudas, ingresos ou recursos, de carácter público ou privado para esa mesma actividade, percibidos ou solicitados pendentes de resolución, con expresión da súa contía, comprometéndose a comunicar ao Concello de Betanzos a concesión de calquera outra axuda de entes públicos ou privados solicitada ou percibida con posterioridade á presentación desta solicitude.
- Declaración responsable do/da representante de que a entidade non está incurso en ningunha das circunstancias previstas no artigo 13 da Lei 38/2003, Xeral de Subvencións, ni dos supostos de incompatibilidade ou incapacidade para a percepción de axudas ou subvencións públicas e de aceptación das bases da convocatoria. E que está ao corrente no cumprimento das obrigas de reintegro do artigo 25 do Regulamento que desenvolven a Lei 38/2003, Xeral de Subvencións.



Concello de Betanzos

Praza de Galicia, nº 1, 15300 Betanzos, A Coruña

Teléfono: 981 770 011

betanzos.net

<https://sede.betanzos.es>

correo@betanzos.net

- No caso de que algunha das actividades que execute a entidade solicitante implique o contacto habitual con menores de idade, a declaración de que comprobou que o persoal ao seu cargo non foi condenado por sentenza firme por ningún delito contra a liberdade e a indemnidade sexual, que inclúe a agresión e o abuso sexual, o acoso sexual, exhibicionismo e provocación sexual, prostitución e explotación sexual e corrupción de menores, así como trata de seres humanos. Igualmente, para o persoal que se incorpore con posterioridade ás actividades subvencionadas, compromiso de facer a comprobación a que se refire este apartado.
- No caso de que a realización das actividades non implique o contacto habitual con menores de idade, deberán achegar unha declaración da entidade neste senso.
- Declaración do emprego da lingua galega e da linguaxe inclusiva na presentación, desenvolvemento e difusión social do proxecto.
- Certificado de conta bancaria.
- Acreditación da representación como presidente/a ou secretario/a.
- No caso de que a documentación sexa enviada por unha persoa diferente da anterior será necesario que mande a correspondente autorización.

5.2.- Documentación específica da subvención.

- a. Anexo de solicitude da sede electrónica (sede.betanzos.gal).
- b. Memoria pormenorizada de actividades para as que se solicita a axuda. Deberá axustarse aos criterios recollidos no punto 7 das presentes bases.
- c. Declaracións responsables (que inclúe o certificado de acordo da entidade para solicitar a axuda e a designación da persoa representante).
- d. Memoria económica dos proxectos para os que se solicita a axuda.
- e. Declaración do número de socios/as da entidade actualizado.
- f. Acreditación da representación de mulleres na Xunta directiva mediante certificación do Secretario/a da entidade.

Atendendo o principio de interoperabilidade, a cidadanía non ten que achegar os datos e documentos que obren en poder das Administracións Públicas.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

5.3 .- Documentación xustificativa da subvención.

Deberá presentarse a partir do día seguinte á publicación da resolución de concesión definitiva das subvencións na sede do Concello de Betanzos e debidamente notificado por medios electrónicos. O prazo para a xustificación das subvencións rematará o 1 de decembro de 2026. O defecto, erro ou ausencia de documentación na presentación da documentación deberase solucionar no prazo de dez días hábiles dende a recepción do requirimento.

Deberán presentarse xustificantes de gastos por un importe igual ou superior ao importe do proxecto que serviu de base para a concesión da subvención, polo que queda acreditado que a actividade subvencionada foi executada, no seu caso, na súa totalidade.

A documentación remitida será a seguinte:

- a. Memoria pormenorizada que acredite a realización da actividade e o grao de cumprimento dos obxectivos, con indicación das accións realizadas. Nesta memoria deberá constar a colaboración e patrocinio prestado polo Concello de Betanzos, na realización e difusión de actividades, adxuntando capturas de pantalla, cartaces, etc. co logo do Concello de Betanzos ou a lenda "colabora o Concello de Betanzos".
- b. Relación clasificada dos gastos realizados, asinada polo/pola secretario/secretaria da entidade, co visto e praxe do seu/súa presidente/a e con identificación dos/das acredores/as (nome da empresa e CIF ou, de ser o caso, nome, apelidos completos e NIF), dos conceptos de gasto (finalidade, nº de factura ou documento equivalente, importe e data de emisión), e data de pagamento. Para cada gasto xustificado deberá quedar claramente descrito no campo de concepto a actividade específica para o que foi destinado. Para cada gasto xustificado deberá quedar claramente descrito no campo de concepto a actividade específica para o que foi destinado e a súa relación co obxecto da subvención.
- c. Xustificantes do gasto: facturas ou outros documentos de valor probatorio equivalente con validez no tráfico xurídico-mercantil e con eficacia administrativa que acrediten os gastos realizados.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

d. Xustificantes de pago: as facturas ou documentos xustificativos deben estar efectivamente pagados. A documentación que se require para acreditar o pago é a seguinte:

- Pagamento por transferencia: resgardo da transferencia realizada, emitido pola entidade financeira.
- Pagamento por domiciliación bancaria: resgardo da entidade financeira do débito na conta da entidade beneficiaria.
- Pagamento por cheque: copia do cheque emitido a nome do/a provedor/a acompañado de xustificante de cargo do mesmo na conta da entidade beneficiaria.
- . No caso de que as facturas sexan pagadas en efectivo é preciso que sexa inferior os 1.000,00 euros, tal e como se esixe na lei e deben ser asinadas e cuñadas polo establecemento de facturación.
- No caso de gastos de persoal: deberase presentar a xustificación do pago das cotizacións á Seguridade Social, a xustificación do pagamento das retencións por concepto de IRPF e a xustificación do pago da nómina, a través de calquera das formas descritas nos apartados anteriores. Os gastos xustificados deberán axustarse aos conceptos aprobados no presuposto inicial, e con carácter xeral non se admitirán como xustificantes facturas de bebidas alcohólicas, tabaco ou calquera outro produto considerado lesivo para a saúde.

e. Certificados de estar ao día coa Seguridade Social, AEAT, ATRIGA, e Concello de Betanzos, ou autorización expresa, que se recolle no anexo de xustificación, para a obtención dos mesmos.

f. Declaración da persoa secretaria acreditando que se cumpriu a finalidade para a que se concedeu a subvención.

g. Declaración formal das subvencións, axudas, ingresos ou recursos, de carácter público ou privado para esa mesma actividade, percibidos, con expresión da súa contía.

h. Acreditación gráfica da colaboración do Concello de Betanzos.

6. GASTOS SUBVENCIONABLES



Concello de Betanzos

Praza de Galicia, nº 1, 15300 Betanzos, A Coruña

Teléfono: 981 770 011

betanzos.net

<https://sede.betanzos.es>

correo@betanzos.net

Poderán ser obxecto de subvención os programas de servizos sociais comunitarios que se desenvolvan nas seguintes áreas:

- Adicións
- Comunidade.
- Familia, infancia e mocidade.
- Discapacidade e dependencia.
- Maiores.
- Inclusión social.
- Igualdade e diversidade afectivo sexual.
- Migracións.

Son gastos subvencionables os que de maneira indubidable respondan á natureza do programa/actividade subvencionada que se realicen do 1 de xaneiro ao 1 de novembro de 2026 e que sexan efectivamente pagados antes do remate do período de xustificación. Excepcionalmente, admitiranse os pagos dos impostos devengados no último trimestre do ano, pero cuxo pago deba realizarse no mes de xaneiro do exercicio seguinte, sempre que o gasto se refira ao período subvencionable.

As axudas económicas concedidas poderán destinarse aos conceptos e/ou gastos correntes directamente relacionados coa realización do programa ou actividade que poden ser, entre outros:

- Retribucións e gastos de persoal relacionado coa actividade subvencionada.
- Gastos xerais de mantemento da entidade (alugueiro de locais, subministro, etc.).
- Gastos de seguros de accidentes ou responsabilidade civil a efectos da realización da actividade ou programa.

Non se considerarán gastos subvencionables:

- As actividades financiadas polo Concello de Betanzos.
- Os gastos e pagos realizados fóra do prazo de xustificación ou de execución do programa ou actividade, (a excepción dos pagos referidos no paragrafo primeiro desta base).



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

- As inversión e obras de infraestrutura.
- As viaxes ou gastos derivados das mesmas e compra de agasallos.
- Así como calquera outro gasto que non teña relevancia no eido dos SS.SS.

7.- COMISIÓN E CRITERIOS DE AVALIACIÓN

A concesión das subvencións realizarase mediante réxime de concorrência competitiva e será aprobada por resolución da alcaldía, e segundo o procedemento Concesión provisional/definitiva previsto nas bases desta convocatoria.

Para a revisión das solicitudes, o baremo e puntuación destas, crearase unha comisión de valoración que estará composta por un mínimo de tres persoas que non teñan relación con ningunha das persoas solicitantes nin relación directa cos proxectos que se poidan presentar. A dita comisión será nomeada por Decreto de Alcaldía e emitirá un informe motivado de concesión de acordo coa avaliación realizada.

Esta comisión poderá propoñer a exclusión de solicitudes por inadecuación argumentada destas ou falta de calidade mínima dos proxectos para os que se solicita a axuda.

A selección das peticións e a contía das subvencións determinarase despois da consideración dos proxectos, de acordo cos baremos establecidos nesta convocatoria. Polo que debe detallarse o orzamento total e a cantidade que representa o 80%.

Quedarán excluídas aquelas solicitudes que non acaden un mínimo de 25 puntos. As entidades deberás achegar e facilitar toda a documentación necesaria para posibilitar a adecuada valoración das solicitudes.

A avaliación das solicitudes realizarase mediante informe razoado do persoal técnico de servizos sociais, atendendo aos os seguintes criterios de valoración.

7.1- Criterios de valoración.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

A selección das peticións e o importe das subvencións determinarase despois da valoración do proxecto que se vaia realizar, de acordo cos seguintes criterios e baremos, ata un total máximo de **100 puntos**:

1. En relación co proxecto: ata 65 puntos.

1.1 Carácter social das actividades desenvolvidas desde as asociacións : ata 10 puntos.

- Marcado carácter social : 10 puntos
- Carácter social medio: 5 puntos
- Carácter social nulo: 0 puntos

1.2 Impacto nas necesidades principais detectadas no municipio (indicadores de medición, xustificación das problemáticas elixidas...): ata 10 puntos.

- Impacto en grao alto : 10 puntos
- Impacto grao medio: 5 puntos
- Impacto en grao baixo: 0 puntos

1.3. Carácter complementario aos proxectos ou actuacións dos servizos sociais municipais: ata 10 puntos.

- Complementariedade alta: 10 puntos
- Complementariedade media: 5 puntos
- Complementariedade baixa: 0 puntos

1.4. Persoas beneficiarias das actuacións que complementen ás levadas a cabo desde o ámbito dos servizos sociais: ata 10 puntos.

- +70 participantes: 10 puntos
- Entre 31 e 70 participantes: 5 puntos
- Entre 10 e 30 participantes: 2 puntos



Concello de Betanzos

Praza de Galicia, nº 1, 15300 Betanzos, A Coruña

Teléfono: 981 770 011

betanzos.net

<https://sede.betanzos.es>

correo@betanzos.net

1.5. Actividades comunitarias de prevención e difusión sen duplicidade das realizadas desde a administración local: **ata 5 puntos**

- Máis de 3: 5 puntos.
- De 1 a 3: 2 puntos.

1.6. Sustentabilidade: **ata 10 puntos.**

- Programas ou actividades mantidos no tempo ou que superen o ano: 10 puntos.
- Programas ou actividades con duración menor a un ano: 5 puntos.

1.7. Carácter innovador da actuación: **ata 5 puntos.**

- Ten carácter innovador: 5 puntos.
- Non ten carácter innovador: 0 puntos.

1.8. Calidade técnica da proposta ou actividade: **ata 5 puntos.**

- Calidade técnica alta: 5 puntos.
- Calidade técnica media: 2 puntos.
- Calidade técnica baixa: 0 puntos.

2. En relación coas características da entidade: ata 35 puntos

2.1. Número de proxectos sociais que desenvolve a entidade no ámbito dos servizos sociais comunitarios: **ata 10 puntos.**

- Máis de 4: 10 puntos
- Entre 2 e 4: 5 puntos

2.2. Traxectoria da entidade: **ata 10 puntos.**

- De 5 a 15 anos de traxectoria: 10 puntos.
- De 2 a 5 anos de traxectoria: 5 puntos.

2.3. Estrutura e capacidade de xestión: **ata 5 puntos**

- Máis de 3 persoas técnicas a cargo do proxecto: 5 puntos.
- De entre 1 a 3 persoas técnicas a cargo do proxecto: 2 puntos.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

2.4. Presenza de mulleres na entidade: **ata 5 puntos.**

- 33% ou máis % de mulleres na Xunta directiva: 2.5 puntos
- 33% ou máis % de mulleres entre o persoal vinculado coa actividade subvencionada: 2.5 puntos.

2.5. Participación social e voluntariado dentro da entidade: **ata 5 puntos.**

- Máis de 10 persoas voluntarias participantes no programa/actividade: 5 puntos
- De entre 5 a 10 persoas voluntarias participantes no programa/actividade: 2 puntos.

8.- RESOLUCIÓN E NOTIFICACIÓN

A resolución definitiva notificarase electronicamente ás entidades beneficiarias que disporán de un prazo de 10 días hábiles para presentar alegacións.

O acto de resolución da subvención esgota a vía administrativa. De acordo cos artigos 123 e 124 da Lei 39/2015, de 1 de outubro, do Procedemento Administrativo Común das Administracións Públicas, contra dita resolución poderá interperse recurso potestativo de reposición ante a Xunta de Goberno deste Concello, no prazo dun mes a contar desde o día seguinte da recepción da notificación, ou ben directamente recurso contencioso administrativo ante o Xulgado do Contencioso Administrativo de A Coruña, no prazo de dous meses a contar desde o día seguinte ao da recepción da notificación, de conformidade co artigo 46 da Lei 29/1998, de 13 de xullo, da Xurisdición Contencioso-Administrativa.

9. PAGAMENTO

Na solicitude da subvención poderá solicitarse o pagamento anticipado do 80% da contía da axuda concedida. A solicitude do anticipo efectuarase de forma expresa no momento da solicitude.

No artigo 17.3 letra k) da Lei Xeral de Subvencións no que se recolle que a norma reguladora das bases de concesión das subvención concretará, como mínimo, os seguintes extremos: "*k) Posibilidade de efectuar pagos anticipados e abonos a conta, así como o réxime de garantías que, no seu caso, deberán achegar os beneficiarios .*"



Concello de Betanzos

Praza de Galicia, nº 1, 15300 Betanzos, A Coruña

Teléfono: 981 770 011

betanzos.net

<https://sede.betanzos.es>

correo@betanzos.net

O igual que o artigo 34.4 do mesmo texto normativo que no seu tenor literal di: “ (...) *Tamén se poderán realizar pagos anticipados que supoñerán entregas de fondos con carácter previo á xustificación, como financiamento necesario para poder levar a cabo as actuacións inherentes á subvención. Dita posibilidade e o réxime de garantías deberán preverse expresamente na normativa reguladora da subvención.*

(...)

A realización de pagos a conta ou pagos anticipados, así como o réxime de garantías, deberán preverse expresamente na normativa reguladora da subvención. “

O réxime das garantías que teñan que constituír os beneficiarios ou as entidades colaboradoras establecerase regulamentariamente, tal e como se recolle no artigo 21 da Lei Xeral de Subvencións.

O artigo 45 do Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións, no referente a esixencia de garantías en pagos a conta ou anticipados, establece que “ *de acordo con o establecido no artigo 17 da Lei, cando as bases reguladoras contemplan a posibilidade de realizar pagos a conta ou anticipados, poderán establecer un réxime de garantías dos fondos entregados. “*

O importe da garantía debe constituírse segundo o recollido no artigo 46 da mesma regulación.

Conforme ao artigo 42.2 d) do Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións, para a concesión dos pagos anticipados, non se esixirá a presentación de garantías por parte das entidades beneficiarias das subvencións que teñan a condición de entidade non lucrativa.

No caso de que se solicite o anticipo, o pago do 20% restante, efectuarase á vista da documentación xustificativa presentada e despois dos informes do persoal técnico de Servizos Sociais e do Servizo de Intervención, o órgano competente valorará o cumprimento das actividades subvencionadas e se a documentación é correcta, procederase ao pagamento restante.



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

No caso de non solicitarse o anticipo, a totalidade da subvención, efectuarase á vista da documentación xustificativa presentada e despois dos informes da Sección de Servizos Sociais e do Servizo de Intervención, o órgano competente valorará o cumprimento das actividades subvencionadas e se a documentación é correcta, procederase ao pagamento.

Para o cobro da subvención as entidades deberán achegar acreditación do cumprimento das obrigas tributarias coa Administración do Estado, coa Comunidade Autónoma e coa Seguridade Social, mediante certificado expedido polos órganos competentes das ditas administracións. O aboamento da subvención materializarase mediante ingreso na conta sinalada pola entidade.

10. PERDA DO DEREITO AO COBRO DA SUBVENCIÓN

O dereito ao cobro da subvención perderase no caso de que non se xustifique o cumprimento do proxecto, das condicións impostas na resolución definitiva, das obrigas recollidas nestas bases reguladoras, das obrigas contidas no art. 33 da Lei 9/2007, de subvencións de Galicia, a Lei 38/2003, Xeral de Subvención, ou na normativa aplicable. Esta situación suporá a obriga de devolver total ou parcialmente o anticipo percibido, así como os xuros de demora correspondentes.

O dereito ao cobro da axuda concedida perderase, coa apertura dun expediente sancionador, nos seguintes casos:

- Obter a subvención sen reunir as condicións requiridas.
- Non comunicar ao Concello de Betanzos a obtención doutras subvencións ou axudas para os mesmos conceptos subvencionados nesta convocatoria.
- Non comunicar ao Concello de Betanzos a modificación das circunstancias que fundamentaron a concesión da subvención.
- Non xustificar o cumprimento dos requisitos e das condicións da subvención nin xustificar a realización da actividade e a finalidade subvencionadas.
- Non permitir as actuacións de comprobación que precise o Concello de Betanzos, así como calquera outra actuación de comprobación e control financeiro que poidan realizar a Intervención Municipal, o Tribunal de Contas ou o Consello de Contas.



Concello de Betanzos

Praza de Galicia, nº 1, 15300 Betanzos, A Coruña

Teléfono: 981 770 011

betanzos.net

<https://sede.betanzos.es>

correo@betanzos.net

- Non dispor dos libros contables, rexistros dilixenciados e demais documentos debidamente comprobados, nos termos exixidos pola lexislación mercantil e sectorial aplicable ao beneficiario en cada caso.
- Non acreditar estar ao día nas obrigas fiscais, coa Seguridade Social e coa Comunidade Autónoma”.

DISPOSICIÓN ADICIONAL

En todo caso o non disposto nestas bases seranlle de aplicación a esta convocatoria e ás subvencións que se concedan ao seu abeiro, o disposto na normativa de subvencións aplicable á administración local, así como na lexislación vixente en materia do procedemento administrativo común das administracións públicas. O igual que o disposto na Lei 38/2003, Xeral de Subvencións, o seu regulamento así como a Ordenanza xeral de subvencións do Concello de Betanzos.

As presentes bases e cantos actos administrativos se deriven das mesmas, poderán ser impugnados polas persoas interesadas nos casos e na forma prevista na Lei 39/2015, de 1 de outubro, do Procedemento Administrativo Común das Administracións Públicas.